

南江詩鈔卷三

餘姚 邵晉涵 二雲

寄從姪耿光

瑛

爾裏同功夙有期，縑車容易見分絲。
頻年小別迴風浦，盡日長吟寄阮詩。
楚國春寒明月靜，越天山遠碧雲垂。
縣縣遠道情何極，忍忘西窗秉燭時。

沈縣肺病昔年曾，眞日枯懷倚瘦棱。
三篋消磨羞作士，一瓢雲水擬爲僧。
名山白足虛前約，短榻青燈負舊能。
畢竟逃禪成上計，好將消息問伽楞。

轉蓬無計出風塵，灰袖緇衫可笑人。
雪葉團泥成慣相，

百江言金 卷三
桃花黏水悟前因五參四問仍荒學碧彩丹金不救貧
生計卽今成兩失瞻雲遙指故園春

何曾渾濟許齊名狂籍由來愧始平春柳丰神開澹蕩
秋風懷抱莽縱橫鶯啼修竹毛初滿鷹掠寒郊氣乍清
似我前車眞可鑒故鄉賴汝振家聲

阿戎眞不愧經生盡挾冰籤指玉衡貞石吉金唐四庫
漆書霜帙漢西京千秋業在期非遠萬竹叢中夢亦清
保素不妨長戢影仲遷今已困浮名

歲寒篇

萬感集心有會而作於時冬也遂以歲寒名篇

楓柙跨崇岡流影白雲表高邈亦何爲晚歲冰霜早言
我居深山風霜滿懷抱簡素湛精華列缺紛環繞公輸
日周旋馨香長自保千載發芝英厚意感蒼昊下有巖
壑深上有風雨好

積疾謝詩書餐霞自怡悅聞有紫芝翁獨坐靈雲窟再
拜授我書元旂迴白月嬰兒夜半啼迴首元珠失得失
信悠悠谿水門前流中天懸日月萬古孔與周

老樹覆層軒落葉秋如積歲暮北風高與汝同寒色凍
鵲未營巢更有無衣客逸翮橫九州而以安一室皎日
不可期沈吟以終夕

南江詩金 卷三 二
少小矜微尚彎弧出平陸生擒九青兕飛跨千年鹿仙
人顧我笑招邀雲際宿忽聞款乃聲不見山水淥瞻顧
成須臾迅鞅迴塵躅迢迢紅樹村故人守空谷多謝諸
故人面目誠主臣

憶昔陽春時流水迴青楊彼妹亦何爲舉袂見損傷秋
霜及冬雪百卉無芬芳芬芳難再得冬青遞如接瘦面
冷於冰寸心介如石疾風搏黃沙冰堅石不裂

東山伐檟犁西山斫榼棧北山植高梧南山駕鶴飛雨
露會有辰騫舉會有期層冰昨宵解零雨朝霏霏霏霏
復霏霏遠行不如歸

陶公愛濁酒但苦多迷謬豈知竹林人忘懷千載後江
海東南奔河漢西南走虛張相對開靈筭掩其口斟酌
足醇醪期之以白首

絺綌出南方南方多炎燁狐貉出西北西北多嚴寒始
知歲功成迺以地濟天春秋不相見變化須臾閒物性
固莫奪見用迺爲賢

野鶴下曾雲閒階向人立北風毛羽頽獨語堯年雪誰
惜乘軒姿瑯琊飼餘粒南澗水泠泠西山雲岌岌鸞鷲
有桐華鳳皇有竹實

明燈張廣幕中有鳴琴聲一彈滄海吟久客難爲情情

南江詩金 卷三 三
乖心易覆吟猿不相屬昨夜霜華濃鴛鴦車上宿出入
復苦愁腸中車轉轂

魴魚上竹竿竹竿何離離微風開密藻水面生漣漪蘊
蓄豈有涯勺水通天地種魚魚自蕃將與達者期
故人千里書開鍼無一語不知野水濱寒梅著花未行
雲不歸山雨點成畱滯巢許綰絲纓夔龍狎蘿薜遭逢
理則那畱胥良非計五載定歸來不歸如白水

短歌

跌宕昌亭狎年少釣竿合向秋風老曉行騷瑟楓林青
半山月落畱金星團魚食李化爲獺漢家元功有蟲達

送李芝畹之官粵東

南海維沃區秀繞珠江汜江海日東流蟻珠他徙矣玲
玲蜃戶舟穆穆鮫人市須臾靈蜃出幻氣開紅紫明霞
燦樓堞百昌豔羅綺一氣捲微茫祇覺迷離似顧令采
珠人逃聽心生喜于役交廣閒往哉應日唯吾聞五羊
城仙人餐梅蕊睠此滔滔波東流何日止夫君抱還尚
心與南雲峙一官落天南攬轡從茲始前旌過廣城一
酌貪泉水

峩峩海岱英錯落繁星燦思州山出雷仙火輝朱電迢
迢萬里天不隔青紅綫簡書有程期遠遊非所憚生平

萬卷書百琲成一串信美粵山川奇葩証聞見粵俗尚
巫穢術用詩書變前哲宦端州歸裝無一硯誰知廉讓
心不在形骸判爲官寫漢書風流過難遣小邑公事稀
榕陰落庭院請君綠綺琴彈作思雍散古意發淳音中
有仁風扇奕奕紅蕉林濛濛花雨爛

病中簡羅二臺山

有高

八年貞疾苦相薄肌輔癭削衣出形每當入夏長癩瘡
奇癢搔剔無時停初覺左耳綴明贅小璫曲珥紛瓏玲
忍而不治久且潰積瘀欲塞重黎聽右額凸出一珠粟
浸尋髮際如鸞釘眉心一道劃中界如山斷鏗開深陁

垂簾隱几學胎息有時暈倒頭搶屏蒼蠅塌翅白鳥集
潛乘睡思欺忪惺正襟卻坐自歎息積疾沈痼寧我丁
苔珊居士數相見爲憐旅影撫伶俜拈花微笑問我疾
導師親叩維摩經據觚稠疊析疑義有似鏞業撞風莖
三星在戶送歸去清言爽颯畱疎櫺三朝乍別劇相念
屢聞使足款重局昨宵急遞素書至大聲棒喝甦沈冥
上言去始如去惡忌醫諱疾非先型下言親老倚門閭
白雲迴合姚江汀詞嚴義重見古昔燈前周復洩涕并
問年廿七未及壯頻年嬰疾誰使令少小耕耘悔鹵莽
居奇驚博馳精靈華絢到眼不復擇往往兼畜迷丹青

出入義欲未安止縱口任腹甘羶腥雞鳴動念雜舜跖
陰陽疑戰迷求寧祇研朱墨守章句三日新婦關車輶
外雖冥寂內浮弱立身輕似風中萍南陔之蘭取相守
曷不急問吳淞船沍寒溽暑不自攝作使意氣追風霆
知者未謀昧者進坐令扁鵲投砥礪佩君之言感君意
昨者沈湎今方醒急欲過從訟所短洗心蒼葡薰殊馨
探湯日色照瘡裂舉足喘乏行且屢舉帷彳亍還止坐
魚翦鬢鬣鳥摧翎巷南偏側卽千里顧瞻周道歌榛苓
短章點綴代簡述旨緒愴結難爲明何時見面理藥論
霍然起廢忘疑管

和作

羅有高

澄空廓豁出塵色四大麗附形流形大者天地幻大
贅變生小贅曾無停大者豪末小泰岱暗醺起滅聲
玲玲有力夜半負之走師曠耳廢難爲聽萬化疾於
飛行鬼來去絕跡誰能釘微茫理際畫界處絲髮非
擬泯中涇人身織虛若蕉菅山河脆若琉璃屏綠影
執著立我相更誰放下長惺惺吝軀卻粒鍊金石似
欲御氣排五丁永飛鉛枯敗丹鼎髑髏一具悲蛤蜊
已而爲知卽於殆豈識緣督生之經忘年忘義寓無
竟吹以天籟齊楹莛泰宇奠定固守氣六鑿盡闢疏

晴樵名聞利養不關慮黃芽甲圻黃庭扁保名蜚遯

迅風翼周歷眾嶽甘鴻冥不可為首見天則心小膽

大符儀型騰騰兀坐上宗動忍與鳧鷖泥沙汀我昔

結願尚獨往四海營目難為并中間亦思嘯疇輩其

柰醉熟拒呼令客吳得知汪名縉字大紳薛名起鳳字香聞李名

夏字禹定積年眼白垂初青慢青公子彭名紹升字尺木猛勇最

淨持半偈除諸腥談諧倜儻沙白岸名維杓字斗初白衣禮

塔觀黃寧勃生詩人結風甫彭名績字秋士號結風健筆橫卓

迴韜軒比來到燕頗踏蹬無端旅食售青萍駝鳴驢

吠雜喧鬧子身渺寄洪濤舲頃從衣園友邵子談塵

激瀉松巔寔律已翹畏肅我慢如刀出冶新當礪浮

游慕道二十載只今酣睡何曾醒願君破口攻吾缺

其適大道懷蘭馨柳生厥肘又奚惡閉門觀息淵其

卑官骸既外理自勝沛若鴻鵠橫修翎官並下土角

凝黠昌陽委棄珍豨苓久如潔念寶同粲諸暗永滅

延貞明我言有徵自古昔惟君聰聽夫何管

思餘族祖見示和童二樹彭城懷古詩禁別用范

增字依韻奉酬

推轂臺前國士登迺公左右得長憑薦賢畢竟歸蕭相

上賞何曾及范增三輔已空班馬響五雲仍捧赤龍升

濟時要識人才重終見天心屬漢興

牧豎寧堪大寶登翻令綺素得依憑驅除此日煩英布
輔立當年悔范增關內虎狼還自翦山東將相許同升
故鄉三戶終何益借號空傳大楚興

賜玦彭城去路登重瞳四顧若無憑江東何處招桓楚
垓下應思用范增騅馬哀嘶山月落美人悲唱陣雲升
八千子弟凋殘盡父老何堪望中興

泗上荒祠肅豆登憤王貯蠻尚瞻憑檄文空自移安世
配食依然得范增坏土長陵秋雨滴釣臺淮浦暮煙升
英雄豎子同銷歇流水前朝認建興

芒碭山高過客登故宮猶向曲欄憑漢家勳舊畱蟲達
霸主寬仁保范增玉斗碎來星點散彩雲護處日華升
澹懷合傍桃源住不識人間有廢興

送羅二臺山歸豫章用昌黎寄崔立之韻

美樅茂堂密雷雨鍾瓌奇龍媒籥閭闐翬兔相環隨羅
生出廬盱川嶽光離披魁奇磊落人力卻千熊罷邈然
念顏尹有志皆可爲黃鵠一再舉天地方員窺璇樞表
正直四角無頗欹攸好協於極曰惟醇無疵戰勝癯者
肥蒼潤生思髭得失鏡臧穀左右分梁岐俯視听然笑
彼哉無等差江河自古昔流衍成今斯不聞畏佳聲萬

籟空中吹楚人得其弓宋人亡其豎多知粹見困不虞
兩小兒一轂三十輻谷神空守雌七日混沌鑿誰與矜
眞知衆說亦有郭大道亦有陸人不守甘白羊質蒙豹
皮太元首中孚虛拘非可縻儉德自含章束修蒸以攜
黃鍾肇萌芽九九歸於奇白鼃凌飛江不假庚辰施東
都拾瑤草卽次噓冷炊依然保白賁獨自貞黃離僕本
吳越士跣跡頗不羈竊聽得緒餘作舖迺作縻頻年遠
遊宦名實從卑卑迷陽傷躑躅舉足多艱巖得聞夫子
賢乃自吳貴池丰姿從想像雲水流逶迤銀臺排空出
欲駕無靈螭仲春陶嘉月始見青雲披探懷出古藻不
取芳華摘神理闕窳奧精光淨泥癡洞庭張廣樂鏗錫
振聾衰獻歲發春生元氣畱心脾菽粟剖精鑿雪練流
香匙啣嘈震旬嗑刻羽矢不移過從日以密流連月載
彌分攜戀夕月散帙迎晨曦莛鐘屢相應謬許聯壘笮
天衢十二閑元黃閒駟驪願取碑兀馬文緄環瑱縞寸
長相獎借大義相箴規威鳳結雙驂煜爚呈雲麾跨缺
闔乾《挹注流霞卮拈羊矜小黠枳落箭抵烹翰雞聞
九臯舍陸而騎危脆膜著金屑張視終隔襪奚不捕長
蛇生舍鞞韉騎內柴見眞宰餘事屏機穢勵志請從事
皆竄敢自隳逡巡嬰疴瘵垂首如寒儀計出柏馬下敢

效雲龍馳咆哮及土木韞蠹忘形醜屢於衾枕次晃朗
承光儀班龍吸沆爽焦面還滋禪攝生示所節藥餌審
所宜清風卻溽暑便靜祛煩罷酒漿送日月迴首徒吁
雖鑿茲鞅汨減譬若繪纜資握手歌上邪此意通神祇
秋風舊有約返棹歸東籬同舟下河潞渾衛通流澌涉
高高有原測深深有陂何圖頡頏羽別見絲綸垂聞君
決歸志悔我仍畱羈何如鶴入雲抔處光觸筭結惜斷
朱縷憊惘翻方提閭陬匹刀甫擘畫雙鉤倕風從不可
得兩別會如斯夕陽繫征帆愁波接瀾瀾豈無握椒貽
香草日以施願畱款曲言尺土階崇埠魁魑號崑崙蓊
密翻柔猗尺鷁決樹榆易抔塵網罹圓靈耀水鏡在遠
無盈虧心旌折神驀唾彼崇蘭萎哈囁期久要帶水爲
悅觴靈山拔地起分作東西支

和作

羅有高

餘姚邵公孫古貌心雄奇瀉流向昆侖脚動萬波隨
鐵骨底柱根洶浪愁掀披赤手挈生龍噓氣走蹲踞
所到邈高寒不肯白畫爲脂車擇兩驂莽莽肆窮窺
馳驅範規矩馭轡敢傾敬散髮沐銀河寧忍纖纖疵
直揆驪顛珠羞摘芋頰頤家學闢坦涂早辨楊朱岐
經訓觀其匯史說釐等差待問抵兩掌千載殺諸斯

開口見原泉含呷鯨吞吹每憐籠取貪廢箸積不訾
精神斂重閩咳唾飫貧兒學道慕溫克內明甘守雌
竝世三十年參商不相知我生豫章涯君生越海陲
夢見失名姓何論骨髓皮故有嚶鳴懷頗爲世網縻
不意干祿叢寓舍承謙撫自牧可灑象處羣如歸奇
散木勞一顧僥幸斤削施譬彼病餒人引領望鄰炊
降屈益我慙神明墨附離京華三五月貧賤同淪羈
隔巷呼召勤就食土炕糜名論沃肝肺知崇禮轉卑
縣燈讀子文繆謂登雲巖又云能沈博溟漲昆明池
慷慨撫時命命酒情委蛇摩娑古彝鼎辨罔兩彪螭

有懷向我盡奧節煩尋披坦坦君子心句乙當舒摛
愛我意難窮立言發吾癡周孔垂典章恃人爲隆衰
導揚蔥嶺瀾能無測心脾予時方麥食警戰手拚匙
近年志安禪幾爲誠感移慮我何殷遙忠信故周彌
銘德期無忘矯項矢晴曦同異卽有疆諧龢協笙箎
歡聚未云久穠蔣催行驪顏色視江月贈言書佩縈
舍陸上南船涼月正如規想子馮高檻隱繪風牆麾
想我與邵王倚狂狎深卮想子對吳仲一豐一臞羸
詼諧角新篇緹鑿追險危吳仲諒未閒塵鞅飛繡襜
法原盛海棠可能共游騎望鄉可登眺無令憂滯羈

觀心師靜便愁城定圯隳
蘇光韜文采識微憚人犧
四序輪激水環周電景馳
自惕旦晝牯弁服臧行舐
契闊念良箴欽欽攝威儀
往者物則言芹暴思少裨
反躬多出入尚口殊非宜
青鬢日就凋無聞向衰罷
涉古昧津畔營目長睢睢
惟子富搜討荒歉堪借資
禱子壽而康稽首東岱祇
晚歲願卜鄰幽徑通修籬
松鳴酒後濤澗響春前澌
宋史鍼膏盲禮傳平其陂
繩糾賴吾子庶幾名山垂
從此習蒲團控神謝銜羈
竊比北溟鯤掣壞漁人筭
化鳥騫青蒼一笑諸提提
豈能效木鳶機械仰工倕
會合遠莫必今者早分斯
人事動擾擾明河耿瀾瀾
相隔阻川原相思報卷蔬
短才僅雉匹一決不到陴
蹇淺做精神尤覺來章猗
貫彙悟條繫比音多牽罹
心賞不在辭勉義亞昔虧
令德金石堅浮華朝茵萎
奉持當胸膺匪敢雜象觸
械情託海鴻北向數幹支

春暮感興

日月春風來芳菲薺已暮
而以遠遊心及與時光赴
西北有高山仡仡天中柱
江海不迴潮沙磧成行路
移山到海陬中有春風度
何用報春風調之以甘露
紅亦不復花白亦不復花
仙人駕飛鴻變手爲雲霞
雲

南江詩集 卷三 五
霞墮江水一去隨天涯君看絳樹中迺有漁人家
天路尚可窮驅車駕言邁斷蓬上高枝適與飄風會峨
峨太行山亭亭落天外

離離山上苗下蔭蟠溪樹浩浩江波中投魴釣以鱖坎
坎代檀聲先向樸榼舉殷殷蜀錦羅掩映西陵紵盈盈
桃李花脈脈臨窗女

天上種白榆東西互相守參旗轉屋梁文昌挂於斗迢
迢夜何其白石南山厚參斗沒有期天路安可知鄉愁
入張柳搖蕩風中絲

薊州懷古

西山雲氣鬱蒼蒼箕尾天橫碣石長終古建瓴歸掌握
依然吹管變陰陽水衝虎脊潮無力馬過龍沙草又芳
高處便應疏項領幾從瀛海問扶桑

玉峰十二指崆峒回首天閭曉日紅錦繡殘絲吹滿地
虎龍餘氣散遙空如何南去遺雙鑑還憶西歸有斷鴻
帝女不來丹桂冷遊仙仍在白雲中

斷蛇山勢切雲排如此風煙入壯懷丹節三分關以北
素旗千點海之涯周棠開近吹簫市燕玉香生綴鳳釵
曾向望諸尋故隴可堪衰草襯青鞵

雪擁龍城慘不飛逍遙兩代賦因依鶯啼渭北新絲脆

燕到江南舊壘非一旅秋風還故土八川晴色上征衣
異時空灑桓公淚柳臥平沙已十圍

五陵煙樹望淒迷直北關山厭鼓鼙一自潛虬生羽翼
長看鳴鏑斷虹霓櫻園雨過花無色繡谷人稀鳥自啼
頭白樊川多少恨亂雲高鎖大行西

馬接飛猱亦異才更饒奇樹倚雲栽心回雨院梧桐迴
調入風輪鬢髮衰十里金川生夕照三千花袖上雲臺
健兒唱遍天山曲不見東光一騎迴

鳴鏑何曾返畫輪邊笳吹斷柳枝春彩旗半捲畱殘馬
斜月重來怨美人何處芰荷圍帳幄當年鷹隼避風塵
祇憐分灑長江雨浣取西湖帶水新

亂山開合似搏沙起輦何人識翠華南國霜風低白雁
西陵秋雨薦黃花誰將鷺嶺僧迦信吹到嚴灘處士家
翎雀調高絃索轉兔兒臺畔月輪斜

日馭風迴古北平烏衣巷口燕飛輕邗溝香水調金粉
楚國仙雲帶玉京中令有時琴作佩四關從遣玉爲衡
兒郎祇愛家居好忘卻龍川過錦營

垂柳垂楊覆玉溝一天晴翠散芳疇無多陳迹畱雲駐
幾點殘星入海流約略帆牆津口渡玲瓏簫管鳳城遊
孫陽只在風塵際瘦馬行吟過薊州

觀二樹山人畫梅卽和題畫詩韻

清絕襟懷許自知秋聲蕭撼爲催詩香南雪北無消息
豫寫春愁寄一枝

青袍筇竹淨無埃萬點疎花腕底開想見銅坑風雪路
倒騎驢背獨吟來

結屋何當問雅宜娜如深處訪新知虛堂雪壁三千丈
只寫梅花處士詩

重與梅花續舊盟秋高梵宇法雲晴墨華噴薄孤山影
亂捲風林落葉聲

澄懷誰許月明知剩水零山位置宜底事吟箋披萬幅
梅花歲歲要君詩

君向梅花得賞音禪窗我亦助清吟正如鍾阜蕭思話
松石泠泠伴鼓琴

燕雲嵩雨隔鄉天說著西溪便惘然一見疎枝倍惆悵
畫中仍欠討春船

秋渚行吟落日斜素沙白石湛清華拒霜釀雪開都遍
合見春風第一花

誰見靈虬布格奇遙從雪海望迷離能吟空際疎花點
只有朱三十五詩

自是空山麋鹿羣植根誰遣傷云云宋家壇外空靈雨

不到棲霞嶺上雲

江南春信遲寒梅遠客新從北地回踏遍黃蒿千里雪
爲探疎影訪君來

喜見疎枝潑墨成漫從籬落賦閑情芻尼隔座喚秋影
鉛素無痕花有聲

曾記飛英捲雪時逍遙堂畔擅清思荒煙望斷秦臺月

寫得冰花欲寄誰

追懷家思
餘先生

偃蹇蒼崖歷歲時水仙配食有前期笑他脩幅羅居士
不寫生枝寫折枝

花外精神悟未曾摹將虛景上溪藤嫩寒山下引歸鶴

淺雪橋邊逢瘦僧

亭亭鐵骨長江涯繪向千年祇樹家試就梅公

謂梅菴
上人

參轉語可應空色是飛花

梅花繪向楓林外一種清思不可量雪裏芭蕉畱粉本

畫師曾有輞川王

黃鶴危藤轉壁蛇李成枯木點寒雅高懷祇有楊无咎

晴昊無雲亂插花

折枝贈別曉江寒好句長畱畫壁看三載魂消梅嶺雨

黃柳根苦荔支酸

懷羅二臺山時
作嶺南之遊

翠袖天寒幾度探山家薄暝友成三賞心更在橫斜處

七粒參星挂斗南

枯林賓鵲乍成巢十里松雲覆白茅喚起仙郎夜吹笛
碎冰條裏玉鉤交

羅衫舞遍月輪斜香信原知夢後差不是江南老桑亭

誰知巢許是梅花

用放翁詩語

尋春曾到白雲湄一幅澄江護竹籬送盡飛翼銜翠羽
崦西猶有半開枝

攜香初返秣陵船剛近疎梅釀雪天占斷蘇臺好風景
春山花簇畫屏前

前村風雪幾人歸斷坂橋邊叩短扉疑是江南來驛使
清晨隴首望雲飛

鸞鶴丰標絕世奇風塵那得此清姿鑑湖圖裏掀篷望
記得南頭第五枝

碧香山色望峻嶒何日支筇畫裏登南踏羅浮東鄧尉
往來須讓打包僧

蹇驢破帽昔年曾惹葉拈枝詎足憑苦憶梅村相贈語
空山雲靜只依僧

挂月村前訪古梅一峰圖障半稜開生綃數點天然秀
只恨無人載酒來

亂飄瓊屑點漁門畱得飛鴻印雪痕持贈東吳舊知己

白雲長護竹根邨

秋草四首

涼風天末望如何
漠漠平原返照多
長驛露寒人獨去
橫塘水落雁初過
青痕一桁黏衰柳
芳信千迴掩薜蘿
記得別時南浦上
低垂華綬送行珂

拾翠尋芳又一時
楚天雲雨費相思
珠簾舫轉蒼萍合
油壁車迴碧蘚滋
懷舊應憐枯樹賦
當年曾咏落花詩
含情重問裙腰路
蘇小門前雨似絲

驚沙飛礫路迢遙
又見征篷卷碧霄
塞外笳吹喧牧馬
山前霜重沒寒雕
滄江紅豆書千里
古戍青煙夢六朝
一自使臣歸去後
節毛零落影蕭蕭

屨廊人去若爲情
空把薜蘿問遠征
不信芳馨同小劫
誰從枯苑辨中行
寸心只向春暉戀
瘦影仍兼夜月清
唱遍舍人金粉句
東風吹綠上蓬瀛

落葉六首

登高空望暮雲飛
蕭滅聲中積翠稀
悽矣客心驚歲晚
悲哉秋氣送將歸
斜陽雁影迷沙渚
淺水蘆花冷釣磯
最是亭臯迴首處
一林霜氣撲征衣

四野寒風捲怒濤
亂隨歸馬振空壕
迢遙浦溆通煙火
彷彿林棲見羽毛
從遣深山徵月令
是誰中夜讀離騷

薛蘿三徑原無恙祇恐重來屐齒高

含情重問莫愁村落景蕭蕭自掩門北渚秋風懷帝子

江南朝露怨王孫

用蕭絲悲
落葉詩

波迴前渡無畱跡蓬上高

根有斷痕六代離宮鴉數點疎煙流水總銷魂

斷腸橋畔此重經又見風林捲落星斷梗隨風人易別

薄寒吹袂酒初醒餘霞江路兼山路暮雨長亭更短亭

憶昔攀條勞望眼征衫可似舊時青

提籠猶記踏春陽沃露盈盈見遠揚琪圃柯枝應不改

盛年歡愛易相忘玲瓏似續庚壺箭榮悴何關子夜霜

多事玉溝流水急迴文仍與訴情長

高下縱橫掩路岐更求前去欲奚爲白沙翠竹畱仙蹟

碧樹紅雲負夙期風雨蕭蕭人獨臥星河耿耿夜何其

蒼茫望斷天涯路搖落深知宋玉悲

卽景次吳棗菴同年 斐韻

雲帶秋容澹帆連樹影移野鷗如舊識明月負前期性

懶逢時拙才疎見事遲同心懷玉樹之子信溫其

泊景州見月

天際暮帆落清宵共倚闌涼風散高柳孤月盪層瀾竟

夕故鄉語三年異地看雷溪懷舊隱想像水雲端

槐音

古槐落葉感蕭晨尚憶黃花碾路塵庭蔭漸憐行處瘦
秋聲祇覺聽來真忙中鼓吹緣何事夢裏歌吹大有人
爭似結亭臨曲水綠陰分作兩家春

太白祠放歌

峨眉仙客山中來衣船不扣登蓬萊宣唐鴻猷拜手獻
歛見蓉苑青雲開騏驥一蹶志不展掉頭卻向梁園迴
金門待詔有何好轉爲廊廟惜此千秋才送月入江臨
采石江光倒映射石壁如意一聲山竹裂長星墮水卽
上天靈珠豈使蛟龍得縱不富貴亦神仙誰向荒江怨
遷謫祠前古木虬枝撐插雲如動靈槎形嵐深翠重神
所託風雨時作清泉聲良材抱質老巖壑終見雷電騰
元精先生沈醉蓋有意埋照坐待煙塵清生爲六合掃
糠粃死亦五緯揚光晶英雄混俗人莫測學劍學仙總
寄迹君不見雲霞標格棟梁資經國山人衣尚白

題畫

百舌問春春欲語軟紅隔斷江南雨落絮游絲盡日飛
誰是尊前看花侶披圖如見芳洲春林端裊裊晴空雲
流鶯啼破日卓午雜花半綻啼煙痕平蕪綠淨不可唾
青天倒洗玻璃塵翦鬚滴囊兩無事微聞香靄生氣氤
迤邐花闌向林麓潤煙一縷茶鑪熟花間侍立小童清

掩映蜻蜓上修竹橫階馴鶴乍飛還清唳一聲山水綠
繪林先生莊惠儔澄心遠與天倪遊園林生意紛滿眼
襟懷開展春風柔年來我有煙霞想龍眠山草迎春長
冀犀代馬空惆悵豈無妙畫新松障置身合在雲崖上

送別呈吳百藥

肇元

先生

亂雲高樹鎖平盧澤國風煙舊霸圖一去桃源迷紫塞
至今松雨冷川塗馬嘶古道寒花歇秋入空山月影孤
千里卽看分咫尺碧霞含露引長驅

太白樓懷古次高東井

文照韻

日夜江流去不還錦袍瀟灑想當年星辰高甲仍垂地

雷電驅丁竟上天卻笑武皇勞物色虛疑方朔是神仙
青山近接乘槎路不扣衣船穩醉眠

未信文章與命妨才人結習本難忘檄通甌脫風煙靜

怨入瀟湘社若香轉爲羽書辭五老空聞鈴語怨三郎

江深塞遠青楓冷一代知音是汾

武粉切陽

高臺榛楚莽寒雲長嘯如鸞竟不聞尚恨宮鞞汚力士
卻思雄劔舞將軍生前酒券畱紀叟死後銘旌遲范君

借用後漢
范式事

祗憶金龜行樂處鑑湖一曲未平分

浣花祠宇剩荒基樂府長畱變雅詩山劈華嵩開兩戒
水流江漢見分支只應白谷稱同調差勝藍田守大遺

獨有酒罇忘不得孟諸醉尉寄遐思

白馬巖居十詠

述經堂

稽古十萬言誰與究終始絲竹鳴空堂下瞰垂紅紫

洗硯池

騰躍草驚虵長存王令書方池受圓月曾照玉蟾蜍

雲影橋

紫蛻何連蜷橫貫東西嶺樹杪渡行人秋山澹無影

蟠蛟榭

上有百尺松下蟠千歲蛟春雷起巖谷雲尾迴松梢

聽讀山房

茅齋聞讀書鹿門發深省礪戶一花開鶯啼春晝靜

夢泉

常含一朵春不作三番涌林影落澄流禽魚兩同夢

介山亭

危亭峙兩山適與晴雲會隔岫望危亭更在晴雲外

韻樓

結構臨迴蹊愛此風篁長清陰覆綺窗樓角春泉響

入畫廊

諱菴好巖棲如讀李成畫移得紫衣峯持向迴廊挂

籀雲臺

高步籀閭闔萬里會雲開青驃躍重級遠自天中來

題王雅宜手券

并跋

雅宜山人券舊藏顧元方氏今歸元和馬君香谷壬辰春馬君遊太平出示余且屬爲之跋余按券之制今古不同就余所見者若晉太康二年楊紹買地前首繫年月交易無居間紙尾不作押中云以荊爲證荊猶券也劉成國釋名云大書中央中破別之也若今言合券爲證矣此晉券也唐長慶三年虞賓買地券亦首繫年月

紙尾無押其證人爲孔愔證人當卽中人古今方國異語也此唐券也餘姚積慶寺藏宋史氏捨宅券首述捨地之由末一行書咸淳二年某月日諫議大夫史孟貫立券券字下作押此宋券也雅宜山人故與袁與之兄弟善有無相通必書券爲約殆古者質劑之流歟首稱立票人王履吉其作中者爲文壽承與借者得如千數起責納息俱有期準末書嘉靖七年四月日立票人王履吉作中人文壽承俱作押明代之券與今時無大異書事於前繫年月於後自宋時

已然矣余又見倪文正與姜仲海書歲暮告貸
文正於仲海姻也故不書券簡末作押蓋當時
以押爲信又徐天池與友人牘劇言貧無以償
負至於矢誓天池晚節之窶如此雅宜以儒雅
稱吳中偕唐子畏陸少暘居士貞及袁氏六俊
文酒過從無虛日當無雁行責逋之事視天池
所遇爲不侔矣馬君嗜雅宜書法行笈必自隨
得四方題詠甚夥俾前輩韻事流傳并得考見
異時券制良可重也因繫以詩

大小定券府史書刻側畫指形模糊荊州人責建安券
千金繡鐵今無儲私錢出息古則有本細寧慮枝扶疎
瑯琊詩人寵履吉娜如山結青樵居三瓶旣罄告我友
酒資聊藉君家餘約束爲限示繾綣漢法明制仍無殊
生涯落拓生計薄負畝恥食魚田租牀前阿堵爾何物
祇應徑付鄰家酤海棠風過到婪尾家家掃徑迎麻輿
同時較書百穀汝南客紅藥賦擅承明廬侏儒待詔互
饑飽何如散髮浮江湖停雲館招老徵仲桃花塢約唐
六如兩壺兩輸樂莫樂酒酣狂叫穿林於朝來起債暮
告匱听然一笑掀風鬚連城不售老巖壑遺墨猶值千
璠璣元和馬君愛八法遠攜重襲青綾襦晴窗展卷乞

跋尾歸趙而後排連珠我今浪遊若煮硯十日捫腹一
字無昨宵馬君飲我酒客囊定損青塗蚨笑舉鴛湖學
士語錢籀持券索詩如索逋伊余失學多所負行將避
責三天都軒臺雲海萬餘頃數畝可割雲中腴山靈有
知不我拒時供丹果青菖蒲買山立券限千載卜居之
外無所須於戲此外何所須君其爲我居閒乎

次洪稚存

亮吉

見贈原韻

直安月在塞辰輪三角承我初來姑孰夜解雙綯簦是
時月生霸霜氣搏翬鷹見君廣座中風燾憤車駿詞源
沛溟漲泐卻海可溯探懷出歌詩古樂三階登用陔棧

以閒克壯鼓得懲異才獨挺出軒鶴從朝升因緣比舍
居朽著占合疑子方病些窳旅魄愁僂僂縱有鏗鉉音
不得喧聾丞君持五色筆解贈三花層引綸貫史事往
若矢決弼繹微準經義古訓相糾繩聞言自跡屑瞪目
不敢磨徐觀謙謙懷舒卷一幅冰矯然秀楚質不遺薪
與蒸吁嗟瓜園後大道埋榛芳火燎勢中裂川沸氣上
滕淹中述游夏棘下係杞郇枕膝授芡滋祕義得未曾
栗階不泣事誰辯菹醢香張圖昧西東木豆雜瓦登秦
延廣師說煩言亦可矜敷陳若稽古志豈邀祠烝高密
彙羣言屹若堂牆增中聲定律呂候氣得互極誰傳聖

證論異議相削馮清言繼颺起防埃俄騫崩冥心從臆
決蠶詎終膏膏蠟老自纏繭蛾昧欲撲燈班生譏祿利
揚子嗤名稱變本彌加厲一決頽溝塍陳言強皮傅百
手爭鈔騰汲古資深源曷不泝淮澗飢必戎菽稷寒賴
裘葛繪六經出土苴絲竹懸清鑿百心挽之東獨力健
者勝束身絃誦閒搥折理亦應遠躔正昧朔圭契傳高
會旦亡利牯脫夕惕懷冰兢不逢澹雅才微言誰與徵
閶闔春風來朝日丹霞昇江南山水窟煙蘿被盤脩青
山破風雨暝色延枯僧西峯屬東阜分簇尖尖菱跣足
踏流泉蟠木曲作馮績窮蹊轉仄石仆徑絕恆長松落

鳥嘯草潔無棲蠅援樛跨長脊巨翹拔海鵬歸攜素石
一獨愛人所憎去作黃山遊氣欲超峻嶒黑雲壓素練
深澗一木凌山花大如拱俯引松拔陵縣雷穿層崖別
竇通陰凌躡空隻手易絕險一躍能夕陽開天都灑氣
浮蒼澄諸峯梳合杳爬剔瘦骨凌別尋蓮華邃華應峭
出稜敲枝下句曲絆足疑轟藤急雨侵回巒瀑卷板斷
緝沿溝下雲谷迅甚決馬騰悔不老巖岫枕石拳其肱
逝將遊十嶽志在力可凭知君兼人勇果決超先乘願
以嗜學心望古迨然興與君結稠繆投紵報以綾今君
賦歸省殘暑收絲滕吟篇溢篋衍光彩輝文鮫江蘆繞

紅菱岸柳嘶涼蟻秋風已可懷矧此別友朋川衢慎起居
執祛語頻仍恭聞哲人言好學爲社初山川豈云遠
吳越一葉稜伊余疎檢律結體多疾癘遺文思網羅慘
漏張缺昏期子事箴規引我從善陞在遠誼日篤內鑿
同祇悽秦岑積土埤基鞏業自宏物恆垂典訓君其縷
厥膺

原作

洪亮吉

伊余少遭疾廓焉昧趨承聞言善可師百里欣擔簦

夫子導前路

笱河先生

饑翅摩秋鷹陳編始相習眾義恣

轆轤迷津不逢沮浩海愁難溯夫子謂我言師友善

者登子時學括囊賢勸惡則懲所欣君子交循階竟
堪升窮冬遇霜雪百物志已凝君乎遽唯唯賤子慙
僂僂專家愧墨守昧理咨疑丞沿流築卑堤引梯導
初層譚言偶微中譬若矢射翮貫珠何纍纍古義若
引繩頗感四座中百問亦百磨我衷其如何易炭更
置冰自從熹平來經史毒霧蒸新蕪暨陳莽誰薙千
畝芳鄒愚竟閔魯薛耻欲長滕秦氛更臨晉宋虐竟
用鄙推之興廢源楚失齊亦曾觚亡不存醴鼎廢空
畱晉尋源昧先河識小矜于登堆匈富陳言得一卽
自矜爲儒競縣蕞守官昧殺烝不審涓瀝微遽謂滄

溟增如聽十五絃小絕由大極殊軌偶相值遭此震
電馮嗟嗟百季餘其道若土崩列宿爭天躔蟲飛更
曹曹餘姚暨四明月晦置一燈作論偶抵牾歷今無
殊稱志乖理則合千穗彙一勝後來羣師儒卮言競
鈔謄私爲一家說遑辨淄與澠宗規旣守株勦義若
裂繒不逢朱絃彈瓦鼓還齜齜逮今遇吾子匪伊異
人勝乾坤師儒席位置理亦應憶予甫成童授書契
顏曾平生師友誼誨語常兢兢因端更推委所苦常
無徵如星列諸說誰作旭日昇惟茲兩夫子平時亟
聲傳欲恃意氣隆作論擬闢僧蘆蒲及菰蔣妬此馱

角凌終嫌毅力薄十載少所憑抑聞爲山卑道在如
月恆寒蟲晒陽雁晦羽悲羣蠅啾啾覩百鳥斥此垂
天鵬君子審所自不懼世俗憎岱宗從東來羣山失
峻嶒途長有如年詎敢跬步斐我襄一篋土欲補邱
與陵使彼後世言淮水支分凌逢君記前時退若無
一能汪汪千頃波久之不改澄人言大羅天羨子健
筆凌君時一回首引領瞻觚稜回帆擬著書鈔殘刻
谿藤枝條千百年貫之以巨縲有時一傾吐譬若火
上騰童牯競癡黠俱欲麾以肱聞言舌不下几在詎
敢凭回知誘誠善連少閒可乘謂宜藏名山後有作

者興我欲書緒言愧乏一束綾不然別君時置之在
行滕藁蕪日以深見此觸石鯨炎颺日以酷見此鳴
秋蟬風裁此吾師敢云誼則朋相期事黽勉道統開
雲仍我觀古師儒好修嘗受初後來咸醜正規員競
磨梭含沙既沈骨切膚詎知癩引獸俾決籬貪魚致
亡罾終當憂迷途曷不大道陞我欲家置喙苦裏誰
其悽一縷苟有在誓當廓之宏君子有贈言鄙人謹
服膺

姑孰使院雪用禁體韻

塊軋雲載陰晦暝景近昏天公開森房水帝固元鑄外

沈沈陰凝內料料氣結山頭驕魑嘶海底蟄龍渴天桴
揚以旗鉤鈐覆其轍秉燭坐昏點重局罩寒冽得非天
心牢恐致地肺裂須臾簷鐸凝侵淩頽風斃翦禡天女
癡撒手麻姑譎暴礎承依稀撲瓦俄窳僂風轉槃珊旋
霧交明澈纈低垂紋半迴急點樂中闕整斜疎密態高
下縱橫節濂濂始欲衰綬綬始而迭團光聚河坳因勢
掩平垤荷擔阿中隆戴土岨對列運衰影若連屹嶮勢
拍秘沕湑流澌稀鬱術凍泉咽仄沈量其句方池覆用
臬竹頂全篔盛樅身半邊綴憑高作雙挂失勢俄一跌
亂隨陳騎歸難遣謝衣禩勢摧飄師吹氣遏凌人拭孤

亭出岩堯百里見表啜垣堞搖虛空樓觀宕澄澈一氣
滋釐麤千尺下蝗蠶歌年人有時表瑞眾皆悅大哉陰
陽功猗歟聖神烈旒彤器維陶奠位象用設陰敷迎陽
蔭北汜濟南熱巧於黃土搏迅甚赭鞭擊須臾變化成
照耀光華徹庶以第圍徵占待習坎揲昏旦賞晤延報
侑馨香飴矛鼻削半鐔劍銜吹一吐全凸鏡面圓微露
石盤缺葉濃半點因淺碧一枝折覆仰成盈杆東西置
括楔欲盜復欲沈草草復嘖嘖羅神行娉娉葛郎行蹙

躡

下缺

明宮詞百首

有序

昔唐仲初聯漢中莞訪軼事於宮闈宋禹玉司直
北門寫閒情於禁掖豈非相如病渴希恩美在金
莖因之洗馬工愁寄興偏憐玉女掇其故實被之
新聲借風雅以流連參史窺之同異此昔人於以
興懷而宮詞所由成詠也僕畢佔初弄側瑟未諳
笑多病於東陽感居貧於南阮書繙剩乙閒搜前
代餘編事考祕辛漫識後宮芳躅憶夢華於東國
稀聞內后垂簾畱雜記於西京閒及才人進曲知
孝慈垂範之良歎太祖貽謀之善泊乎末造遂致
多端專房祗愛乎玉環橫海早歌夫彩鵲錦帆遠

逝商傳玉樹之花金斗橫陳士賦芝房之草後庭
華靡具載耳談天子風流頗滋口實興言及此感
慨係之茲因探覽之餘偶發咏歌之興梧生多節
體用編年珠可備忘義傳記事愧濤箋於花蓋綺
語生憐慚漢苑之崑崙錦章流賞吟聯百首原非
百珠之珍字限七言敢比七襄之錦如其別裁僞
體請以俟大雅之材或者傳習舊聞庶可附稗官
之末

天門旭日麗昭陽御苑鶯花物候昌上壽六宮齊誦德
徽音重見繼周姜

曳地垂垂大練衣湘裙六褶映朝暉掖庭也自憎羅綺
卸取珠簾換布圍

深宮話舊淚潸然麥飯滹沱繼昔賢賤妾承恩勞繾綣
南征謫將最堪憐

晚來傳喚入新宮六院嬌娥拜舞同聽取昭儀談女範
綺窗風靜月朧朧

短髮蓬鬢不自羞上林春暖許從遊君王若問平生夢
請與劉伶贈醉侯

分攜女校護重圍虎旅三千聽指揮白羽雕弓金勒馬
宮娥聯轡出芳闈

南唐書金
橫筵三奏玉參差宮譜新翻幼婦詞一覺海棠春睡足
海雲深處望高麗

翟第繽紛拜冕旒慈顏珍重啟嘉謀須知風雨雞鳴好
不及匡牀鮑孟流

廿篇內訓重懷賢細楷書成玉版牋昨日後宮新得賜
焚香親展御樓前

競傳劉晏屬程郎賚予頻煩出尚方知有范妃親總髻
爲渠指點少年妝

列宮題字鎮輝煌吳下才人繼仲將閒與宮娃賭書法
硬黃試仿十三行

監國餘閒鎖寂寥崇仁門靜雨瀟瀟獨憐舊學人長繫
不似慈雅向晚朝

椒房惆悵困沈緜退讓爭傳郭后賢香靜長安門下月
參禪好問靜慈仙

長信芳懷念舊僚許隨鳳輦上岵堯桓伊莫唱陳王曲
玉指頻教奏角招

西風瓊苑樹蕭森迤北迢遙厓聖心添綫裝絲情幾許
征衣爲寄塞垣深

寂處離宮蹙翠顰步檐頻首望鈎陳願將玉臂金條脫
迎取陽和擅帳人

清寧宮外鳳輿迴新自南宮省視來遙望城隅高樹盡
月明空照露華臺

蕭條廊邸對秋風零落瑤華古井中十載延禧如夢醒
不堪重問舊玲瓏

奉侍慈寧數載餘夢魂猶憶嶺南居卻緣識字新蒙寵
內殿添稱女校書

萬女年來得主歡六宮如水夜闌干提攜蜀地金花箋
起向西風怨畫鸞

臙脂洗盡換戎裝韎韐前驅過錦坊倚馬倍教天子愛
不須重與貼花黃

豈是猺奴獨擅才無端傀儡共登臺參軍拜舞謹呼後
攀見親提兩鉞來

陰濃嘉樹接南臺臺外端凝扇戶開賭唱憲王新樂府
弓鞞踏月印蒼苔

緋袍輕輦到龍墀鬢髮垂垂映玉姿撚取紫髯揮涕淚
瞻天已是六年遲

橫門朱挺影模糊歲久拋荒髡竹枯點地忽聽聲入破
等閒拾得輞川圖

傲屣踉蹌大內行瀾翻墨汁勢縱橫松泉圖就風雲起
重見吳生擅盛名

魚羹玉饌敢輕持
豫戒深心仰聖慈
爲聽優施枯苑曲
鴛幃夜半泣驪姬

信手拈書適性靈
俄驚老伴上彤庭
孔曾芳躅依然在
莫譯莊嚴梵唄經

珍念南宮選士年
拈香默禱上清前
內宮亦屢求賢意
香几頻歌卷耳篇

宣室何須召賈生
詔傳元老入承明
日高夾殿槐陰轉
前席惟聞歎羨聲

內侍低聲喚翟車
玉津園外看芳花
九重春暖晴霞麗
光照慈寧外戚家

內庭傳喚武安侯
啜茗還從閬苑遊
憶自官廚宣索罷
朱匱無復賜珍羞

肺腑頻叨內宴長
座餘閒與論封章
更闌人靜燈明裏
被酒低頭有大張

輕繡婀娜紫羅光
歲歲蒙恩賜尚方
蜀錦昨聞新罷織
開箱爲檢舊宮妝

新亭毓秀隱山椒
苦恨青梧向晚彫
寶籙是誰虛禱祀
災祥須問侍中貂

覓得奇書進紫宸
紛紛交餽語偏新
不知黃米何狼籍
解隱須尋郭舍人

翩翩金鶴斂雲翎丹頂香來滿座馨
旰日經筵初輟講
餘煙裊裊出疎櫺

玉堦背立幾經時盤礴私看老畫師
撫鬢忽聞聲健羨
姓名新被九重知

偶扶殘醉入宸宮煙火絲延貂帳中
不是尚妃邀澤早
怎教將作奏新功

過鎮軍開鎮國中黃衣光照玉玲瓏
鵝翎掩映遮陽笠
御苑蕭蕭萬馬風

上宮開宴薄高春內侍分尋過碧峰
一色六軍黃罩甲
不知何處覓潛龍

朱檐迢遞列華燈攬瓊中宵紫燄蒸
殘醉豹房迴望處
猶疑煙火徹雲層

輕盈態度總無雙檢取蘭編倚玉缸
興邸不知天遠近
南宮深處指南邦

番語鉤輶若箇傳李波小妹最纖妍
清歌未罷彎弓起
一縱雙禽落御前

聞說宣房結好音新開黑殿蔽雲深
盱江消息今何似
猶到蘆溝索舊簪

禁苑蕭岑半載餘維揚聞道返龍輿
誰知良女迴鑿請
絕勝長卿諫獵書

頓姬絃子寶奴箏南部煙花遠擅名十五宮娥最嬌小
也將鳳管學新聲

雅歌不用奏唐山漫撚琵琶御座閒仿得查郎歌一拍
水泉咽處鳥間關

野花田畔舞婆娑映入君王醉臉酡領略九重春雨露
始知村酒媚人多

罷選初從朱邸歸夢中華寵是耶非臨湖悵望龍髯逝
零落宮門老浣衣

茶甌捧向碧紗幬獨霸仍看衛子夫誰識長門心獨苦
難教滄海孕明珠

永巷羊車聽漸稀博爐香燼晚風微曹孃語笑新專寵
綺帳春寒賜鞠衣

宮鈴歇處靜彤闈繞頸驚看白練飛夢裏龍遊渾不覺
醒來猶自惜端妃

藉田雲暖暮煙霏指點前山曉景微西苑春畊田漠漠
秧鉞青映侍臣衣

隨侍春蠶赴北郊柔桑沃若漾輕梢嬌姿不解濃陰好
愛看新篁帶綠苞

七寶丹成啟玉函真師拜舞祝多男五雷壇外春如海
紅藥翻階帶雨酣

瑤壇靜夜殷輕雷甘澤從知遍九垓受賀未開無逸殿
祈靈早上太清臺

詔求開士夜清宮黑青全消冥漠中若道進賢蒙上賞
陶師應比鄂侯功

清宵警報入三邊火甲金輪一紙傳急遣黃巾先負羽
真人爲國掃燕然

紗冠香葉影葳蕤拜獻清詞上玉墀瓊液一卮香百和
中官先賜與分宜

生來纖骨總超凡不著羅衫著道衫選向集靈臺上立
雙雙香几捧瑤函

寶鼎新承日月光早春練日祀明堂詞臣昨撰芝房曲
翻入新聲奏玉皇

步虛聲靜漏泠然翦取黃緇意自憐玉體不如仙苑兔
銜花猶近至尊前

霞煥龍光旭日晴花飛鳳彩曉風清履聲近處慈顏笑
知是前星照戶明

鼇山燈市映周遭赤玉盤紫白鳳膏佳處每逢天一笑
掀髯頻喚進蒲萄

沈水龍涎徹夜焚華筵靡靡宴南薰外庭未進親賢奏
內監先呈節飲文

百軸琳琅進玉墀劉郎風雅冠當時君王自愛長楊賦
侍女爭歌折柳詞

冰柱烹茶茗味新深宮寂寞度芳晨外聞風景今何似
試問龍墀掃雪人

秋晴試上洗妝樓遼后回心跡尚畱十首院詞會記否
當今誰擅舊風流

西城曲宴意如何聽取新聲款款歌翦取雙鬟聊示意
深宵長日盡清和

三疊雲裳楚舞終楚歌一曲歎飛鴻元良止定都人子
定策何勞四皓功

菩提參對列雙株葉底勻圓擷寶珠記得熏風迴殿閣
黃花萬朵競芳敷

中使頻煩喚福王朝朝陪宴向昭陽外庭洛蜀多章奏
盡付中官入皂囊

領取乾清管事牌私教海客下丹階前驅不用聲傳警
塵尾宮娥一字排

黃衣短窄稱身裁跨馬提刀別院來自與孫郎契魚水
生憎馮伴作鹽梅

靜數蓮籌逼夜殘擁衾欲起畏春寒俄傳慈聖傳呼急
盥面親扶上玉鑾

聽取深州拂素琴至尊親自整華襟
聲聲彈出懷賢操不似君山靡曼音

鎮日雙蛾鎖不開金花頻使內官催
車聲近處花容笑知是關中進鑛來

靄靄慈雲內苑天琉璃燈湧畫簾前
化身宛似莊嚴相法殿新成塑九蓮

噦鸞盡日掩朱簾沈水名香手自添
春色十分縈上苑韶光儘許牡丹占

玉階露重芙蓉冷永巷風微荳蔻溫
隱隱鼓簫聲度處遙知西李獨蒙恩

錦帆詎待榜人開款乃聲低過繡堆
風過御衣香度遠新皇新駕小舟來

好是端陽令節天龍舟迢遞破雲煙
馳鞍躡柳誰爭勝艾虎先頒閬苑仙

高臺重九共躋攀一闕陽關調最嫺
迴望兔兒山月上清歌低唱鎖眉彎

螿石周遭虎洞深迷藏複壁費搜尋
月暉漸轉花欄外笑指龍衣隱碧林

委鬼茄花匝地生可堪表裏勢縱橫
中車遺傳分明在誰向楓宸達四明

象牙牀冷夢魂清臥看星河激灩明
大內夜聞邊角奏
廠臣團練昨開營

雕弓豹韃入宮門積翠山前萬騎喧
金鼓未停呼噪起
教場初日照黃旛

陟岵何堪泣望頻勗勤宮靜獨傷神
西山知有劉孃墓
暗解金錢付寺人

懿妃空自想音輝玉貌圖迴笑語非
堯母門成鉤弋盡
兩行清淚點龍衣

銅環風動響鏗然又是深宮歲暮天
東絹寫成鍾進士
素屏橫綴廣門前

綵裝分列玉螭頭象笏朱冠重歲修
年久不堪多變幻
中宵偷向別宮遊

珍念天顏太瘦生列羞爲勸一尊傾
更聞瀛國加餐語
對案歛歛不勝情

拜斗歸來玉輦馳二妃寶蓋鎮相隨
直房好與官曹語
僚采休教秘事知

羽車宛轉詣端門正旦新開上壽樽
廡左一簾風似翦
揚州花月與誰論

交泰和風拂面吹殷勤款語晝陰移
翊坤近得中宮慶
不似承乾拜舞時

南江詩鈔卷四
排几爭論爲貫魚幾看辟穀守元虛貂裊似表中情悔
絡繹長秋問起居

永和春色麗芳晨迎取蕭居愆室人依舊麗華陪綺宴
名花光映玉顏新

歸風遺操最纖妍悵望飛雲隔遠天一曲楚聲腸欲斷
不堪重與賦哀蟬

母範應追漢宋時樂章頻聽咏螽斯押班宮女銀絲白
閒坐花前說孝慈

南江詩鈔卷四

餘姚 邵晉涵 二雲

題聽讀圖

經訓乃蓄畬耕穫相終始不聞惰農安能令田畷喜猗
歟白馬巖四壁弦歌起斷斷鄒魯風穆穆蘇湖軌據梧
亦忘疲睦耳信爲美趣塗遠有期迴鑣道伊邇力田良
有秋相將藝疆理彼哉夏侯生志迺在青紫

題倚樹圖

童君至性人肅恭念桑梓萬里源從渤海迴千重雲接
中峰起攀條一日三摩娑微風不動涼陰多鐵幹西垂

疏地脈髯枝南向承天和岸幘披襟好顏色一生祇自
行胸臆位置真宜巖壑閒友于花鳥皆相識懷庭大樹
日輪困半倚青山半入雲君不見蒼虬柯偃金隄鞏多
少含光擁蓋人

聽張無夜

世舉

先輩談湯西崖少宰遺事

埜店山橋問曉征水蒨花氣杜鵑聲五更驢背吟殘夢
身在蓬萊島上行

風土黔南杳渺中慎旃吟後又逢公蠻煙瘴雨誰相問
滌露山川見兩雄

詼諧玩世項霜田見妬分明勝見憐遮莫識成湯九尺

青娘畱取舊因緣

龍興鐵礮壓城開一騎番巢去復迴誰信書生具鱗甲
曼纓短後粵中來

紅豆梨花秋復春雷塘歌舞化凝塵銀槽檀板今何在
爲見時郎憶故人

楊柳池塘晚吹涼仙人合住水雲鄉低徊靈鷲山前路
重問維摩避暑莊

讀桃花扇樂府次張無夜先輩韻

青絲白馬渡江來凍雪山頭暮雀哀苦恨中山畱愛女
凝妝猶自待人催

福王出奔時有進奉
女二人未及攜去

三載香樓翠被空雁書遙染錦當留曲中姊妹多傲幸

未必孫三遠勝儂孫三舊與李香齊名後以王事死于太末

桐城公子老歸禪舊事南中盛管絃西粵夢迴滄海轉

青溪桃葉自年年桃葉渡宴集方密之爲之主

黑雲高壓縉雲城窮海孤臣戀主情等自貴陽書畫客

濁涇難染渭流清楊龍友初以貴陽姻婭不滿於人後仕閩爲督師死事甚明

竿木隨身浪子場渡江遺話笑吳王蕪湖贏得崑銅祭

一枕琉璃寄恨長阮大成在錢塘時曾以伯齋渡江自喻見蕪湖沈士柱祭阮司馬文

妥娘故宅破窗紗憔悴秋楊映暮鴉半壁南朝成底事

祇憐燕子怨桃花鄭妥娘在諸妓最爲老壽初以演燕子箋得名

雪苑才名冠大梁朱門不改舊青鸞西山曾見移文否

未許侯郎赴道場朝宗歸商邱仍舉雪苑文社辛卯應鄉試擬第一人以忌者中止

棲霞山接武夷青龍船難邀帝子靈瑤草歸來同白首

石交空怨阮懷寧馬士英在浙中頗以大馬成任事已受惡名爲恨

名花零落白門秋舊恨臙脂滙畔流欲問秦淮芳草色

風華只羨顧眉樓板橋名妓惟顧媚一人得以夫人終

夢泉歌次沈雲椒初前輩韻

靈泉出沈展澄碧向雷由旬逾階尺西竺化人臨紺席

中丞題碑署厥額曰應神符沛神澤夜夢祇洹煒亦亦

三千香界一誠格龐眉尊宿葆貞宅如是化身記曩昔

拈花微笑霧不隔般若通津智人懌座前方池鬘文石
慧水遙疏二分脈雨暘應禱順靈液涖曆何須辨廣窄
化源啟兆微斯夕集禧演慶維岳伯山寺春巡境重覈
舊有池流近香積漱淨六時誰典責忍令芳泓委藁繹
初濬濺微漸充奕遂有紅荷漾嫵媼芴治少泉未輟役
俄見一絲泉眼白山僧及冬迎檠戟告茲靈異涌方壑
構亭列幹待重闢證以夢境辨誼噴輪三徑五符界畫
形眞神感兩俱適鴻文照耀彩烜赫抉發全蘊理莫易
會聞德禎善乃獲瑞泉出醴元公釋四和通正彙眾蹟
氤融氲結遠無隙先幾知來數占逆心亨得坎利再索

我公棠碑遍廣陌仁爲風藎義電劃海隄鞏復華信跡
三江安瀾簞膠醪淳治上應月滿魄入能不著五紋籍
卽如此泉珠卷鳥飲水知源永弗斲秩宗上卿舊賓客
遠寄新詞輝玉冊十手傳鈔彩箋擘瓌此法源露霞磧
創見可弁習聞百和歌隘陋如埤益衢謠或備華翰擇
試繞鷺峯轉雙屐緇字煙開鳳舒翮

題樂槐亭長橋小艇圖

淩波一葉輕如鶩同調忘機狎鷗鷺夕陽流水長橋橫
是君高咏蒼茫處逢君袞袞長安衢綠槐深巷成幽居
偶緜舊句作新障令我逸思生江湖故鄉山抱海東隅

繞山蕙水通清渠十里新蒲迎釣艇桃花春浪薦銀魚

題汪龍莊寄衫圖

會記筠箋擘素時秋裝歲歲寄如期而今腸斷前溪月
一髮山分兩鷺絲

闌風梅雨黯江津製就征衫穩稱身病裏猶從小姑問
可曾逢著寄衫人

往事華伽忍再論素紋長自伴吟魂可堪一幅盈波紵
祇與征夫拭淚痕

豈是珠川欲別難綫將千縷轉沈瀾鸞梭親織雲羅影
畱得年年一度看

題泊鷗莊次韻

孤雲墮爲山不隔湖西樹湖水狎閒鷗我隨曉雲渡菱
芰撥迴槳招招見親故會莊卷薜蘿高談豁雲霧卻望
臨水亭垣衣化縷鷺當年放鶴人千載申遐趣先生懷
古懽合作對門住暑氣散柳陰相送隔川路幸聯嘗棣
不勝地賞心具沿緣細路閒髣髴幽人遇中酒起迴翔
跼足緬高步悔不及春來同掃梅花墓逸蹟畱湖洄遊
蹤歎迷互賡隨夙有期過尋亦已屢祇慚上水船未償
舊逋句小月上高峯俟續前遊賦

蒲圻道中雜咏

陸水西流故道存驚波如箭汨沙痕虛傳赤壁周郎渡
誰識金城陸渙屯

峯腰曲抱丹心樹雲表微分白面洲攬轡不須頻問道
馬鞍山近見交流

鳴泉修竹繞精廬觴詠風流歎久虛猶有窪樽畱古篆
熙寧癸丑暮春初

山田風軟卷輕嵐近水林巒滴嫩藍魚若空行應可數
鷓鴣何處下澄潭

葦菜塘西送棹謳蒲花開過玉灣頭刀鐙江口如相望
飛鏡凌空又及秋

北牖迎涼暑氣蘇山程水駟訊前驅輕輶明發長洋港
三楚州陵展舊圖

題浯溪磨崖碑

唐中興頌磨崖碑碑字照耀浯溪湄扶藜客過重題句
掉臂欲與元顏齊大書深刻左右列特立壁壘蟠新奇
天寶肇亂有本末儒議過激徒爾爲延秋門上烏夜啼
宗社失守乘輿西常山脊斷凝碧冷河北義士嗟疇依
儲皇擁立保靈武神堯國命憑于斯貞觀內禪有家法
矧值喪亂乘前基滌瑕盪垢與更始白日高照天王旗
指麾李郭掃河洛激厲張許屏江淮義聲四合羣力併

安奉鶴籙還京師雞鳴問膳若盡孝倉猝舉事夫何譏
孤臣望治老文學忠厚猶得詩人遺二聖重權獲底豫
事雖難覲情庶幾特書太子重卽位繼體授受明無私
僅循故事守監國進難稟命退喪威坐縱逆賊貽國蹙
小孝翻恐隳鴻規柰何中道制嬖宦南內控馬成驚危
天火下摧武乙震災異千載猶傳疑連昌竹碎杜鵑血
忠臣哽咽難爲辭前朝事往苔蘚古史家定論知何時
暮秋持節過溪曲魯公大筆瞻淋漓試翻新論詰涪叟
道州或許心相知

東皇店途次作

歸輶重過紫雲鄉近指巖關十里強驛道只今通楚豫
戰圖誰與問齊梁人依紅樹千林轉水遶平沙一逕涼
仍數郵籤談往事絺衣蘿月夜蒼蒼

恭和

御製仲春經筵有述元韻

迎和律轉攝提春

講幄紉書重闡循仁且智兼

符孔性哲而惠

協慶堯民還將延泰持恆意仍勉

時幾日贊身

壽字卽今昭

雅化欣聞

睿論語詮真

恭和

御製經筵畢文淵閣賜宴以四庫全書第一部告成度

閣內用幸翰林院例得近體四律首章卽疊去歲

詩韻元韻

詔自講筵臨祕閣春旗曉共彩雲移承

光許及然藜向摘藻真慙授錦遲萬軸瑯函瞻富有十

年蘭館被

恩私

文淵卽觀源津接首蔀成編勉副期

排籤詎數漢唐哉璧海瑤林薈萃來三萬六千編敍整

丙丁甲乙部分該

四庫全書分經史子集取古人甲乙丙丁分部之意共計三萬六千帙前

代藏書未

日星共燦春秋筆月露因掄風雅材

館中進呈書

俱蒙

欽定如契丹國志載胡安國論楊光遠事殊乖大義遵旨訂正唐宋元明人詩集語涉香奩者悉

命刪去以示風雅正宗

聖論折衷昭萬古親承

睿訓侍臣陪

拜首同賡紉縵歌雲書霞葉護星羅由來天水生從一

恰應羲父吉有他鄴架牙籤難擬此鴻都繡石許同磨
右文雅化諧春豫樂奏瑤階叶至和

分列儒臣叨

錫宴仙韶調律靜蓮籌憶從前史承恩者曾與頻年異
數不盤飫珍肴情脈脈坐聞松籟韻悠悠歸攜更荷
便蕃賜

御幔長看紫彩留

題幽居圖

藕田十里護書壇松壁千尋夏瀑寒五載重江雲樹遠
思歸聊借畫圖看

梅花屋叟東維子可是谿山舊主盟新築茅亭煙水外
讀書纔罷便躬耕

題飲香圖爲意山同年作

壑林山接姚江口

南史壑林山宋會稽志作桂林山

誰共清宵泛月瀾

鄉思轉深歸未得一枝愁向畫中看

爛漫湖山浩蕩期倚舷倒卷碧筒卮桂波冷浸雙隄白
可記扶花倩醉時

戊戌秋事

自度航輕轉碧莎陸郎老去繫情多酒闌自唱天香子

柰此盈盈一水何

同飲者爲陸大篠飲

幃中風景憶當年歡緒離悰併客筵知有生香新樣木

荔枝圖倩畫師傳

咏晚香玉

花開不厭晚偏到晚生香名士孤高品佳人淺澹妝玉
光原潤澤夜氣轉清涼夔結同心質真成卻暑方

木瓜次胡燮齋韻

誰翦沈黃一握雲那煩連紹綴敷芬試香微向燈前覺

案酒偏宜醉後聞

木瓜可案酒
見詩義疏

蜜蠟封函應遠寄白魚

依幃待重熏檀梨莫漫名相溷靜韻幽姿與細分

結素為苞子作房底須簇紙炫新妝黃浮幾許秋生暈

冷到如馨夜有霜根近中州畱正色天教碩果湛幽香

投來鄭重堪相慰衛水瀾絲雅意長

故山秋翠弇雲升鐵腳相尋病未能客館經時懷永好

天涯偶見似良朋楸林種樹人何在

嘉泰會稽志楸林
山謝靈運著山居

賦于

蘭渚探芳露漸凝

蘭亭出木瓜
見大觀本草

一臥梁園苦消渴

鄉愁無那觸頻仍

未是清漳淹滯身華林想見五株新春風誰認婆娑影

秋思難禁磊落人蒂並枕函會破夢盤堆棐几亦怡人

黃中轉憶瓜州種拜

賜頻年奉

御宸

戊戌至壬寅每歲
荷賜哈密瓜

題吳衡陽太守葛君碑

橫水移槎後誰題墓上阡書分皇象體人憶赤烏年感
慨三分逝權輿八法全華陽留片石猶帶古湘煙

留別畢弇山中丞

沉一百韻

大梁運遠躔聯珠映奎宿璧河萃光晶才彥並輻輳恩
知被獨先招邀趨敢後淮渦駕輕舟一葉卷層溜驅車
古河塢土圻火輪蹂躪瞻拜鈴閣前塵汗旅衣透座挹鮮
颯吹廈荷慈雲覆歲敍數暄涼形狀憶癯瘦加餐佐美
魴酌勞注重耐款款抒別悰重重開積懣安居館初適
古簡業親授侍坐宵露清涼篷捲蘆蕭瞻仰有疇星憫

農若在疾先時河豫閒鬱炯感頻復炎官揚赤旛搏沙
刷狂颺霧狖曙更冥風禽晨失晝疆槩連阡疇些窳廢
犁耡掘柝氏亦焦髡樹根從仆況復河漫流金隄防蟻
漏改道築新渠昨冬功始就

宸念厘天中旌麾移陝右方當入疆初亟繕封章奏布
惠

帝曰俞加施

恩彌懋飛輓千舳鱸轉般萬轂輜俾飢黎受餽若渴鳥
張囁挹注徧喁喁哺負及耄幼占星火司辰值卦爻遇
姤饑饉舊已仍早暎今寧又步禱致精禋靈應獲孚祐

始聞急凍鳴歎見層霏逗颺輪息扶搖雷車騁馳驟急
點挾翻盆迸流瀉承霽接澍三日延通涇千重湊柔綠
生近郊紆青裒遠岫父老感涕言數載未曾覩憑眺宇
澄鮮解駁氛昏冱昨者柘城賊狂獠恣反嗾掠粟爲峙
糗裂繪待縫胄比壤接荆揚竄穴便鼉馳藉非懾先聲
得毋困猶鬪偉略計救寧妙算無停畱一舉靖狼煙無
俟彎犂鏃城開墟集通魁殲脅從宥平野曉扶犁叢祠
夜息爇趁此甘雨濡努力勤耕耨矧開古汴溝洫水穿
廣袤代賑叶宋籌執功如漢儼寧知勞畚鍤但覺飽饋
餽秋穫卽登場春甍行溢畝相望占多稔疇歎歌采芻

盛漲赴建瓴豫防儼設螭沙障疏盤紆川軌得順揉安
瀾賴鴻猷推功託神醕從來大儒效神筦愜補救十年
撫咸秦善俗宜民壽華實稱上腴稠麥倍鍾豆今茲涖
河洛焦原成福宙祇在轉移閒卽覩盈寧候閭闔涼風
來閒階碾茸菽行館闢嵩陽縹緗列文囿版探宛委藏
冊辨龍威守兩踰究經遺三豕匡傳謬圖餘夏鼎鐫錄
集秦碑鏤九流逮墨鮒六藝溯蒼籀圖緬周輪方志
定橫絲鑑澄涑水書緒接龍門胄世繫待續編音響若
相訓餘蓺湧天葩至和諧玉琇恤民懷樹榆體物偶賦
楸麗藻耀虬麟靈囿翔鸞鷺至今五色雲爲章照薪標

閔量今古儲絕業天人究日夕從繹尋次第豁恂愁憶
初問字時歲丙戌夏首古堂絳纒舒深巷綠槐茂數惜
北平奇里訪南雷舊得承獎許殷自忘佔畢陋孟進趣
修途感激起沈疇業務廣益精貨豈貴難售石室校琳
瑯禮堂訂籩楹終愁鹵莽治難泯毫釐繆所識僅蟲魚
所得祇飭餽每歲奉音書劬釗戒豫猶恐負夙昔期中
夜奮自詬重經憂患餘衣食勤奔走遠道荷滋培鉅力
拯顛踣累牒付校讎劇談啟講誼簾鏞聲春容時應寸
莛叩追陪意所快顧視情增厚英英幕府才奕奕東南
秀宏獎雅輪扶清詞玉泉漱柏馬舒調榮蓬麻得比偶
肆力從丹鉛餘事屏雜糅遠水遞魚筒寒暄引鴻脰故
山凝白雲隴舍待締構歸思感紛淪鄉愁結互貿彝門
雪初晴征驪鳴在廡戀別欲攬袪臨歧恐霑袖獻歲發
昌英郊原簇春繡玉燭潤兩河榮光許重覲

題曉溪行樂

與我周旋寧作我忘言已得此中真尚嫌嗜酒陶元亮
形影何曾解問神
故山雲水去匆匆印雪飛鴻認舊蹤纔向長風沙口別
壽陽春雨又相逢

第五橋邊曉泊時兩行春柳雨添姿此閒不可無君語

漫道溪山獨往宜

依舊練囊賦遠遊湖波江水易分流嚴灘近接仙霞路

吟眺輸君最上頭

題張松園觀察

朝縉

蕉陰默坐圖

奕奕榕海陰團蕉卷秋霧以茲靜照懷宛與賞心遇澄
澹含碧滋敷滄重翠布如聞展旆時衣灑薔薇露嘉殖
徧八閩愛比棠梨樹樾蔭移中州礎潤迎甘澍郊遠綠
幃舒隴複黃雲渡坐我鈴閣閒披圖起遐愫虛中得靜
便十載心如故瀛壖上已期禊帖千秋慕屑玉儷精華
剖石畱芳媿見示蘭亭集字詩石刻蘭亭座上賓台向圖中聚梁

園續前遊春明叶良晤竹外山更青準擬從公賦

亭陰帶流

水竹外靜春山句即見集蘭亭詩

盆梅

漫訪橫枝傍水邨好栽寒玉湛華益移來室邇春無跡
望裏窗虛月有痕遠岫參差排翠黛重簾依約護香溫
環階野鶴翩躚影記伴梁園雪夜尊

題何葭汀

其藻小照

到家調膳戀庭暉歸及秋潮願未違曾制風前卞和淚
不教輕灑手縫衣

羅含蘭舍繞芳敷詎比南山抱影廬銀漢即看騰彩筆

他年重寫望雲圖

風調瑯琊並擅場

謂穀陸昆季

三年小別憶江鄉比居君早

申蘭契合覩同心九瓣香

題楊六士

夢符

泣硯圖因及其家世舊事

古林落葉擁殘書水抱三江問故居莫向君家溯遺事
恐教淚滴玉蟾蜍

百葉叢書手自鈔佛燈漁火伴蕭寥癸辛巷裏拋殘硯
井底千年鐵未銷

驚棹纔到又空迴鼙鼓三更碾急雷辛苦飛書染雪竇
硯田枯盡海生埃

梅里風流逐逝波黃蒿風急鳥驚羅空餘徠服軒中客
煮硯山頭自放歌

遠磧迎霜宿草枯風懷偏愛紫磨菰山空石破驚秋雨
秃筆重描補臂圖

血寫零丁絕塞行迢迢鄉月柳邊橫沙灘拾得紅絲硯
恐是孤兒淚染成

越調歌殘鄉思樓吳江楓落易逢秋吟瓢舊侶今何在
認取當年卽墨侯

故鄉文獻易銷沈授硯如傳授紡心珍重歲寒堂舊語
百年喬木長千尋

題臨淳化閣帖本

宋初集帖首淳化絳肥潭瘦皆重摩相傳海嶽悟形製

仿本重勒神無譌

弁州書畫跋謂重刻閣帖爲米南宮仿本在蔡潘諸仿本之先

君謨

師旦競新祿侍書舊蹟存無多豈知神物有遇合蠹簡

光耀被華網親賢祕搨墨瀋古幸覲眞賞親摩挲由來

偉化物賦物春懷含象胥駢羅矧茲墨苑集衆妙契合

天矩無僂蹉草分義獻擷龍爪篆溯斯頡殊魚鰈鋒藏

廉斷各異態若沙分穎洵出過陘蟠峯嶧赴宗岱青蒼

一氣縈盤陀憶當清暑曉披霧苑垣澄綠牽藤蘿隴糜

光融斐几淨曙風微扇疑春和侍階親覩運神擊鸞翔

珠樹龍投梭經營規絡應躡度結構形體分纖覩有時

應勢赴磅礪澗開闢豁峯嵯峨百家騰踔供驅使心正

命筆無偏頗傳觀漫擬字響搨神采直欲前賢過元明

豈乏善描勒雲煙瞥眼如驚波東書堂本鉤法縮吹臺

瓴甌空確磨下逮肅晉互增益片壁寧足驂鳴珂卽今

藝林奉圭臬崇條百尺瞻瑤柯墨池春煖照羣玉長看

積潤流江河

戲咏不求人

俛仰寧隨漢上棹曲蟠長柄順周遭是誰還往心相許

與我周旋手自操樹欲分身終示幻柵能接臂笑徒勞

杖頭擔取餘杭酒漫羨麻姑著癢搔

題俞敬堂遺照

有序

君以己丑冬過余京師寓齋話別南歸聞君家居課子志節彌勵不數年旋卒今年己酉秋展君遺容則昔時遊處之迹讌洽之歡歷歷若在目云君貌清古衣冠簡樸不苟笑訾造次依於儒者好經術於聲音文字辨之特嚴教子有法斷斷於古人所謂誦數以貫之思索以通之者遭歉歲約居鍵戶相對弦誦不輟忘其貧君卒後數年令子汝金以治經有聞於時追爲此圖

所以識也余家故與君有連自君之曾祖石峴先生與余先世定文字交君年長於余幾倍以姻黨得聯兄弟之好童穉追隨荷以讀書行誼相勗勉及同客京師往來尤數每歎君泊於仕進孜孜以傳經爲業其志節有不可及者俯仰曩遊渺不可得聊裁短什以抒余懷

秋陰落空階雨迹俄成舊往事觸新圖不道廿年久雙桐故依然團蔭照虛牖青蔥菴靄閒憶君臨座右鬚鬢鑿清秋耽書成白首卷幔百城開移鐙一經授古墨湛幽香先澤儼盈手霜飈振庭柯默與歲寒守相訪雪中

行肯使前期負

舊日子雲居龍泉清瀉屋

記取龍泉山下路秋花猶覆子雲居毛西河檢討過訪石

媚先生句也

苔文發篆斑蒼古餘喬木謝公祖德詩王氏家

風錄每當授書時追敘語三復高風卷重茅中有秋聲
續爲我泝前徽珍重雲閒牘折麻展夙心籥雲緬高躅
顧我疲繭姿蹇步媿前服

通川有曾瀾神驥無凡姿懷采十年久騰踔生光儀珠
囊理漢笈獨究秦火遺融浹百家言識定詞無支抗志
慕高潔坦懷泯阻熾憶共邗江棹夜漲舟重維零雨一
爲別會合仍京師展圖索新題永慕有餘悲我聞七業

興傳經爲苗畬請誦樹德訓慰子明發期

夜雨述舊

松蓋陰添古屋泥城居也復類村棲十年潤益儻書樂
五夜清分挂月低上塚人歸多赤腳對門溪漲喚扶犁
綠雲欲掩三三徑茅店一聲聞竹雞

浴罷丹泉羽翮奇鋪雲多與雨中期蟠山傾海迴頭失
蹴象搗獅灑袖遺絕壁雙深松作引幽林陡轉鳥先隨
玉屏直躡三千丈始信洪崖是舊知

三層樓卷岳陽寒腳底轟雷萬點攢新漲曉浮荆楚出
老夫氣壓洞庭看漏天南去應無盡仙屋西探定不難

望望楓丹榕綠路歸輪始碾葉聲乾

礪樹巖花閣翠陰潤煙一道轉江潯源通高院綠難唾

子陵故居後爲書院前有泉

山爲故人青到今諱姓尚傳名郡古高

墳誰向故山尋夏郎小海歌能續此是枌榆後起心

惠泉載得暮霞還夜半危牆呼吸閒如此谿山難倚著

無多風雨絕躋攀披來溼服神纔定浸透新書福太慳

岸越江吳來往熟誰知咫尺道途艱

三移居近鳳城南近喜新叨野趣探漠漠苔陰環徑合

濛濛花雨隔林酣龍蛇結體知難望蟲鳥分形或尚堪

穩聽紙窗疎密響六年滋味飽能參

沈母黃孺人節孝詩

越州女士傳高節三尺幽光團古雪親噓冷燄育孤兒

欲報春暉語嗚咽我聞遺事心轉悲斷縑零素寒風吹

定知至性洞金石冰甌滌筆難爲詞當年從官黔山道

結屋層崖傍飛鳥商弦一夜咽離鸞三江天遠秋雲杳

薄官由來苦憔悴久拋蓋篋銷珠翠黔民空憶使君廉

楚客愁聞征婦淚瞿塘千尺卷驚湍觸石沈帆咫尺閒

漫愁川徑波濤惡最是提攜幼穉難危檣敲側孤兒哭

袖掩兒頤首親搏淚痕血點敵迴潮黿負扁舟出飛瀑

越山到日增悲哽舊巢零落棲孤影夜雨舉蘿結草廬

朝霜拾橡依松徑荒阡古道拜松楸自采陔蘭薦膳羞
夢感精誠見姑舅靈昭呵護啟箕裘門庭仍望箕裘續
夜紉寒衣手凝瘵破氊裹得舊青箱紡車聲伴遺書讀
夜郎遠信數行斜遺愛猶聞重柳衙尚憶靈輻臨古驛
杜鵑都作斷腸花花開花謝春如駛貞悰纏緜誓終始
孀娥永夜鑒清輝皜練長浮鑑湖水方今

聖世闡幽隱窮巷貞婺倍優軫卽看芳行達

天閭烏頭綽楔垂標準珍重孤兒涕泗餘詩微霜哺徧
簪裾慈徽遠溯宗卿傳芳節應畱洗馬書

夢蘇草堂歌爲馮星實通參 應樞作

草堂未搆先作圖夢中光景猶可摹乘風冉冉來髯蘇
蘇公詩傳七百載神畱簡冊公如在箋識疏通仍有待
大馮君是今詩伯手撫星辰雲卷圍降婁中宵動精魄
南飛一鶴空中來羽衣襪襪霜髮鬣叩門欲入心徘徊
網遺綴佚三年久爲問心源相印否代應曰然穎濱空
誰與圖者羅兩峰庭樹晝靄雲溟濛靈思結撰神感通
春明巷陌近尺咫過君談詩聞妙旨披圖令我鄉愁起
故鄉舊有翰墨堂公詩手蹟鐫兩廊劫火不復存靈光
施武子令餘姚刻蘇公墨蹟題曰翰墨堂後燬于火
乳井龍泉勝日注聽雨吟公舊題句鄉夢飛縈石楠樹
用公送劉寺丞赴餘姚詩龍泉山今有石楠樹合抱

追題張南華前輩雲溪圖卽用其自題元韻

清秋鄉夢懷江南兩晴鐘鼓聞鄰庵曉讀雲溪舊圖畫
玉山嘉勝我未諳卻從畫裏辨邱壑峯丹澗碧容幽探
南華去今四十載對此如接松閒談想當東軒客靜寄
宿雨尚浸重雲酣靈光吐納供揮灑坐覺六宇銷煙嵐
懸崖曲抱複溪台雜槿斜與叢篁參演融潤綠徧林莽
髣髴爽籟吹松甃自言寄興託濠濮貌示脫略神中含
圖成酬以一尊月擘箋迭和人成三卷中有張練雪
田平圃和詩云
何皖江貴公子北山猿鶴偏懷慙流傳幾轉得所主元
英先生銀髮鬢一朝胠篋不自覺有似駿馬脫裏驂神

鋒再台感雷煥舊人重覩悲何戡客裝挾此自珍重咀
玩墨瀋餘溶涵江南何處無此景令我遠憶清華潭

題谷園授經圖

溫溫兩魯生執經翁侍郎專門重授受能使漢學昌漢
學嗟久微重與按珠囊易傳述孟喜禮說推后倉茲滋
釋詁毀淹中補淪亡旁通三家傳同異畱辨章涓泉疏
一勺溶洽歸通潢高穹掃曾霽爛矣星斗芒精思邈千
載古意萃一堂巨鏞振鏗鉉扣應諧宮商吹塤復吹箎
迭和聲琅琅春風到階除帶草莛以長
前讀雙玉歌輒作兩番喜經師得高才故人有令子旋

得故人書仲叔親覲止高才重師承非徒感知已重淵
起神虬文囿翔翬雉高騰五色華近約六經指顧念荒
蓄畬無力懋耘耔差幸所儻居經帷近尺咫欲過聽談
經蹉跎隔年矣殷勤語故人何用策窳嵒

史遷譏從諛班生嗤利祿云何學道人志乃近流俗擊
悅飾靡麗祇取悅眾目碎義析鉤鈇真意苦不足廣川
暨高密萬古垂芳躅微言幸未湮令緒猶堪續儒生抱
遺經貞悃結幽獨修綆自逢源長途戒欲速猗此谷園
圖古意遙相屬努力紹師傳光輝葆良玉

入西山初至花犁坎

西風振客衣西山落襟袖窄徑穿盤陀石與車輪鬪滑
笏鋪層蹊始自何年溜縈旋百褶雲破衲紛刻鏤前林
轉忽開數畝闢廣袤紺葉蒸斜陽秋影露鴻脰古屋撐
懸崖暮靄不能覆鎌月割半稜藉草稍停畱直上躡空
梯虛坎松根湊僕本山中人新到境如舊

題阿少司空尋源圖

昔從石室校圖錄紀遠得見河源書禕歟

盛治闢星竈于闐蔥嶺成通涂尋源

特命世臣往覈實還奏承

帝俞勒成鉅編貯

祕閣流傳芳蹟存遺圖連峯接天勢匝匝盤陀一徑通
幽巖巒迴谷轉地平衍突見泉脈交融輸垂杓宛轉排
列宿堆盤錯落噴靈珠元人誤會鄂端尾傳譌互証潘
與朱豈識上源更冲演里餘三百黃英鋪迤西巨石鞏
庠豁若戴斗極開辰樞懸崖黃赤本鴻致天紳百幅空
中舒粲瑩散作鏐盪影傾沃疑有神漿儲真源見端雲
日朗山靈豫使層嵐祛乃知天池懸北極直抵瀛渤成
歸墟豁疑千載經目驗豈非精意能感孚古人睹記限
方域構虛設象終拘墟流沙西海岫連屬廣輪孰與分
川衢潛流出地經鹽澤扶風義弗龍門殊元公辨言述

釋水高源峻湊崑崙虛渾泡穿地互汨激千七百一川
所渠簡語弗詳待申闡影附誰信溝猶儒披圖萬里在
咫尺攬轡如見神敷愉闔風縹馬古有志遊仙或在清
虛都

題王述菴少司寇 祖 三泖漁莊圖

先生釣遊處舊在泖湖曲夜雨接鳴榔佘山曉敷綠隔
浦水雲移低掩鷺絲宿苕帶轉笳簪春江卷斜幅澄流
澹鬚眉定釣茲泉玉勛名勒旂常撰著溢圖錄鄉夢落
滄江雕菰及秋熟煙波瀉清懷雲山寄遐矚越水鄰吳
淞亦有傍溪屋施樓晚飯行讀畫鄉思觸

題碧山吟社圖爲秦小峴觀察瀛作

春雨懸流惠山麓十里停雲覆詩屋詩魂不遣山靈孤
畫障重開古時綠古懷磊落超常倫溪光巖翠浮清尊
西園逸事接千載北郭芳蹤仍十人或倚疎篁或漱石
鶴啄蒼苔茵轉席就中擲筆凌丹霞疑是黃樓舊賓客
石田本屬山中癯作畫亦與神明俱人如洛社耆英會
詩入清河主客圖飛電流光感卅載正藉雲煙供揮灑
秦時洞口晉時花祇有碧山春不改君不見新構依然
傍碧山按圖仍許探雲關松老百年春蔭遠月明千里
夜光還

北宋石經歌次彭芸楣司空元瑞韻

漢構經廊失闔宇突兀唐碑鎮關輔蜀璧全銷玉壘雲
天水浮珉亦非故續書不數臨安都天聖下詔崇泗洙
當時結撰不草草徵材遠逮金陵胡兩體雙排分篆隸
古文虞魯通形意戈法仍沿祕監書露痕閒仿中郎字
石鼓旋移天會年誰知斷碣猶畱傳河翻汴邸沈三版
珉勒周京証六官聞得羲爻仍失考十二幅字餘探討
卽今審定邀宗工鴻筆摛詞等球寶題箒頌來火未流
敷宣經訓應蒙求憶向陳畱訪碑去歲華丙午月臨秋

題張水屋道渥細雨騎驢入劔門圖卽送入蜀

騎驢傲睨長安市逢人自說張風子不知海客駕雲螭
遊戲人間可相似平生山水入奇懷臨風咳吐煙雲開
海門青紅蜃浮氣掉頭不顧奚爲哉與君昨踏西山頂
擺灑曾嵐凌倒景披襟直瀉滄瀛流十岳三山挈其領
我躡虛梯騰碧涘君絳蒼藤蹶而起山中童牧笑不休
仙人只解騎驢耳聞君將作川中行酒徒相顧心怦縈
秋風刁騷秋雨歇祇覺去住難爲情臨岐振策偏豪宕
筆底鋒鋩鏗疊嶂劒門不過小於拳畫師幻作崢嶸狀
我家近與天台鄰八年辜負桃花津相逢競道故山好
可能長作山中人酒酣起就燈前舞此去錦城稱樂土
巴山剪燭夜吟秋定憶長安舊時雨

題朱星軒小照

林雨曉來青溪光四圍碧微尚託幽遐澗光明巾舄平
生經濟懷刀圭聊寄迹長柄挑奚奴尋蹊何所迫一徑
白雲深芸籤披玉冊爲問董奉僊何似韓康易

趙味辛舍人

懷玉

招同人補重陽會分韻得逢字

依辰日月去匆匆老圃還教認舊蹤好景易拋添後憶
故交重晤勝初逢支離病骨遊偏健滂泊歸心醉倍濃
仍溯西郊吟賞處數行丹樹幾稜峯

已酉會有此會
座中語及之

病中戲簡洪穉存

嗟余日啜半甌粥瘦骨稜稜竹一束聞君廣坐開長筵
豪飲直欲吸百川與君門巷近尺咫一歡一愁殊若此
論交卻憶廿年前追逐澗磴如飛鳶狂歌忽當中席起
急觴敢讓他人先吾衰百事俱唾棄病不能飲真可憐
藤花不發春已過有時窺簷只愁坐男兒作客須作健
提壺不待山禽勸薰風轉盼欄藥開還期對飲三百杯

伊墨卿比部

秉綬

出示劉文正公手蹟感賦二首

萬軸牙籤手自披綠槐庭院午陰移渾疑海鶴丰姿在
親見翩翩下筆時

聚星堂古溯前遊後列諸生也白頭重撫當年醉翁操

碧天波遠片雲留

詩餘

附

金縷曲

寄胡習亭

舊事猶能記倚桓山臨風吹笛暮雲無際楊柳飛花紅
藥爛遮莫春愁如水便聯騎尋芳蕭寺玉字玲瓏歌未
徹更飛觥沈醉花叢裏同調者唯吾子 竭來混迹荆
高市儘相逢賣漿屠狗不知誰是客況蕭疎歸未得落
拓而今如此況遊緒那堪題起只憶同心離別久向清
風朗月難忘耳應寄我相思字

百字令

送吳丈百藥之永平

山垂海立正天寒三月平蕪剡碧一騎東風吹席帽莫
認南州崔葛蝦菜舟輕綃絲人遠霜鬢融心鐵蓬瀛春
小奚囊不穀收拾誰道碣石東浮盧龍西去滾作濤
千疊逝者如斯流不盡故壘蕭蕭蘆荻歸路楊花征途
麥秀又是清和節邊城風景翦燈爲我重說

清玉案

天涯若問秋生處半是客中愁緒暗地潛來推不去絲
絲縷縷蕭蕭颯颯風逗梧桐雨青萍依舊舊驕旅高
柳鳴蟬柰何許回首涼雲滿蘭渚蒼茫故國山迴水繞
風月誰爲主

解佩令

心中鄉土望中雲樹到而今未曾歸去夏鳩春鷓畢竟
如何畱住又秋風一簾疎雨夕陽前渡亂霞橫浦猶
回頭舊時來處便挂歸帆也等待蒼葭白露訪伊人山
涯江渚

百字令

中秋旅思

澄寒如許問扶疎桂樹幾時斫去兔陰蟾多狡獪不

使潛畱些子三亞宮中五鉤窟裏都化空明水碧琉璃
界青天倒卷波底更有露腳飄絲霞心點沫不使眉
雲翳今夕天涯迴首若箇能拋鄉思千里同輝三年異
國未遂林泉志依回清影淹畱又過秋矣

綺羅香

詠蟹

倒卷潮頭橫行沙浦水國爲誰稱霸吐沫成珠便向風
雲叱咤冒霜尖躁性猶存瘦月兒陰痕未化正星星夜
火蘆花猛攫蝦簾下不信麤材郭索溯前身錯認了
風流司馬消瘦文君枉灑淚珠盈把攪濃糖博士無徵
配薄酒監州可怕數人閒緣壁爬沙誰是爭先者

百字令

題童二樹討春圖和蔣心餘編修

士銓韻

夢回香沁算江鄉消受好春惟此一角蓮舟開鏡面十
里青天倒倚玉屑霏檣鷺綃隔座儘殼魂銷矣衣香人
影不知誰與春比曾向蘭繡新圖竹紋淺樣繪出東
南美雪意雲層畱幾許點滴都歸眼裏人撲疎紅花拈
微翠又逐東風起探春消息此閒祇有君耳

金明池

清風亭和黃仲則

景仁

竹碎絲藍松銷縹翠誰料仙人此駐剛剩得幽香泣露
幾會慣柔煙花雨向荒臺點破蒼苔正一縷雲拖織鴻
無數便倚遍江南蘋深蓼淺總是我消魂處 莫問當年
神鳥賦只一曲烏啼也逢知遇待看盡大江東去問
何日鏡湖西度算此閒室邇人遐有曠代靈姿素心相
與趁今夜風清星梯月磴飛夢到青山路

先大夫幼侍曾大父東葵先生於蛟川學舍卽受詩法
矢口成音叶於天籟博覽古作者自漢魏六朝迄唐宋
元明大家名輩皆涉其堂奧而別其指歸與里中諸子
唱和爲詩操筆立成文不加點名章秀句領袖一時洎
領鄉薦舟車南北見聞日擴問學益充發爲歌詩與山
川名勝相輝映比成進士研精經史不欲以詩人見長
登覽之餘閒以餘事成詩抒寫性情不事摹擬而自合
於古作者嘗謂荀子詩者中聲所止得作詩指於唐取
少陵昌黎義山牧之諸家性不喜觀黃涪翁詩故所作
多出入於韓杜閒而無江西派生硬及四靈派瑣碎之

南江詩金
一
弊嘗手批杜集韓集一過可以見先大夫性情之所近矣顧不自收拾隨手散去今薈萃篋中所存草稿自少年以及中歲所作合計古今體詩得若干首謹分年排次釐爲十一卷內如應酬祝嘏之詞皆先大夫所不欲存者嘗欲親加刪汰約略存之顧未暇也今錄存之卷不足以見先大夫之學然亦無不可以見其大槩先大夫天資絕人卽隨意吟咏而性情學問皆自得於古人錄而存之庶後之來者見傳經大儒亦復事事嫻習非如高談性命而中無所得與沈潛詰訓而不嫻聲律者異矣惟是中間庚子年使粵往返得詩一卷今惟存蒲

圻道中雜詠六首浯溪磨崖碑一首餘俱無存又如辛卯以後歸舟得詩一卷壬辰客游太平教授鳳陽時中多酬唱亦散佚無存歸舟詩內有和人裘字韻詩云待到漢廷徵豹鼠定從齊澤訪羊裘一聯秉華於請業之餘得蒙提命而不記其全篇尚當搜訪續增以成完璧惟望當世仁人君子有收藏先大夫墨蹟者抄錄見賜則秉華之大願也末附詞一卷公車客京師時與友朋酬酢約有百首削稿後多燬棄不留茲於故紙中檢得草稿八首謹錄而存之以見先大夫游藝之一班云丙辰臘月初七日繕錄初畢男秉華謹書



